

# Pembelajaran galak generasi muda ceburi sektor

BH 30/4/15



Produk pertanian seperti koko, kelapa sawit, getah dan padi mempunyai permintaan tinggi dan menyumbang kepada KDNK negara

Alimuddin Mohd Dom,  
Tokoh pendidikan

**Kuala Lumpur:** Sektor pertanian memerlukan penggunaan teknologi moden seperti digunakan di negara maju sehingga membolehkan mereka menjadi pengeksport produk makanan yang menyumbang kepada pertumbuhan ekonomi negara.

Tokoh pendidikan, Tan Sri Alimuddin Mohd Dom, berkata pengajaran dan pembelajaran semula mata pelajaran Sains Pertanian penting untuk membolehkan generasi muda menceburi sektor pertanian, sekali gus mengurangkan pergantungan negara kepada pengimportan produk makanan.

Katanya, pertanian adalah bidang perniagaan dan penggunaan teknologi moden membolehkan negara maju menjadi pengeksport produk makanan yang menyum-

bang kepada Keluaran Dalam Negara Kasar (KDNK).

"Produk pertanian seperti koko, kelapa sawit, getah dan padi mempunyai permintaan tinggi dan menyumbang kepada KDNK negara.

"Jadikan pertanian sebagai kerjaya supaya pelajar kita tidak ketinggalan dalam era Revolusi Perindustrian 4.0 dan kecerdasan buatan (AI) jika kembali kepada bidang pertanian," katanya ketika dihubung, semalam.

## Fokus latihan amali

Sementara itu, Presiden Kesatuan Perkhidmatan Perguruan Kebangsaan (NUTP), Aminuddin Awang, berkata subjek itu perlu memperkakan pembelajaran dan pemudahcaraan (PdPc) yang menjurus kepada pertanian moden dan

memberi fokus kepada latihan amali.

Beliau berkata, sekolah yang dipilih sebagai perintis perlu berada dalam kawasan pertanian bagi memudahkan pelajar melaksanakan latihan amali.

"Sebelum diperkenalkan, Kementerian Pendidikan perlu melatih guru berkemahiran tinggi dalam bidang berkenaan bagi memastikan matlamat kerajaan memperkenalkan subjek itu menjadi capai sasarannya untuk menjadikan pertanian sebagai kerjaya pilihan.

"NUTP yakin subjek itu relevan dan tidak menjadikan pelajar kita ketinggalan dalam Revolusi Perindustrian 4.0 dan teknologi buatan (AI)," katanya kepada BH, semalam.